



话咁快Color就19岁啦,一直以来,Color团队带大家搜罗各种新奇趣怪嘢,体验美食、玩意、打卡地……唔知你又跟住我哋玩咗几多咧?趁住生日,可尔君特别邀请到糖妹担任Color玩乐体验官,今期由佢跟住《可乐生活》,带大家暴走潮人窠,体验广州新粤潮!

郭玮/文 黄芷晴、秦丽莹/图

# 糖妹孖实Color FUN玩新粤潮

## 荔湾

### Chok爆老西关



旧楼新玩

嚟到充满西关风情嘅荔湾区,咪以为呢度只有“老古董”,改建翻新之后嘅永庆坊已经成为潮人最爱打卡宝地之一!骑楼古建筑里面係潮流冷饮,青砖墙内有网红打卡点,仲可以去李小龙故居体验下功夫武学氛围,永庆坊内仲会定期摆设市集,原创小物应有尽有。外地旅客嚟到呢度,可以直观感受到广府文化底蕴魅力,本地后生仔女嚟呢度亦能体验到传统和潮流结合的混搭新意,集合吃喝玩乐于一体嘅永庆坊,已成为係现代潮人嘅必选选项。不畏酷暑嘅体验官糖妹一到步,即刻开启营业模式,摆pose影相,忙里偷闲随手get杯冰爽靚啡,疯玩一轮之后仲大晒未够晒。



## 七彩童话梦

近日,一批老旧社区大变身,吸引咗唔少潮人慕名前来打卡,海珠区晓西社区正係其中一个。呢度嘅市井小卖部可以同潮牌新店和谐共处,逛街打卡嘅新人类同乘凉下棋嘅街坊老人互不打扰,酷爆古着店同硬核小食店相隔唔远,偶尔路过嘅小花猫,令略显静幽嘅晓西社区充满生机,好适合预置城市人嚟度休闲嘅下班时光,又啱初来乍到嘅旅人感受繁华城市嘅宁静。紫色门面嘅café、画成苹果嘅神秘小店、纯色外墙内里花哩碌嘅小铺头……个性特色嘅街铺设计,随处可见嘅壁画,无需购物饮食,静静散步都会get到惊喜,令糖妹又一次影心大动,微笑、大笑,随性展露真性情,快门每帧留下嘅都係佢最亮丽嘅瞬间。

## 海珠 治愈社区行



### 趁热“搞毛线”

除咗大热景点永庆坊,其实仲有唔少宝藏小店藏于荔湾区各条街巷,Color之前就帮大家发掘过唔少有意思嘅玩乐点,上期教大家Tufting手工工艺嘅“织个毛毛”工作室都嘅呢度。“陀枪”减压咁过瘾,糖妹睇到都心痒痒,话要趁热玩一玩!选定图案之后,但都唔洗老板帮手,自给自足就係画布描边。咪睇佢人仔细细咁,其实力量好惊人,摆起毛线枪十分架势,未打几枪就被老板大赞有天份!上次糖妹参加羊城晚报策划非遗文化体验活动,Color就已经发现佢动手能力超强,今次“搞毛线”又惊艳到大家。连糖妹都唔忍住嚟突突突Tufting,你难道仲未心痒吗!



### 原创有品味

各有特色嘅宝藏小店,係晓西社区吸引人嘅一大亮点。好似主打原创手工包包嘅Cily,就係社区里的明星店铺之一,店面唔算大但佢内有乾坤。精致玲珑好睇嘅夏天嘅耳钉耳环,大细各异材质嘅同款式都好特别嘅手工包包,仲有点衬都好睇嘅靚靚衫……呢度简直就係女仔嘅dream store。贪靓嘅糖妹由入门就开始唔住手,试顶手袋、比划衣裤,老板娘亦热情满分帮佢搭配,笑言下个出show嘅造型都已经安排好晒。呢间原创包包店嘅商品,大部分都係老板亲手打造,件件都係独一无二!

## 越秀 暴走潮人窠



### 阿哥同款

东山口一向都係广州女仔中意嘅潮流打卡地,旧年大湾仔仲嘅录过综艺,含“星”量更节节攀升添。大家都知糖妹同captain cool係“兄妹”啦,阿哥嚟过嘅潮地,阿妹肯定唔可以执输!小资咖啡馆、小众花店、古建筑博物馆都藏身嘅呢度嘅小洋楼入面,古董外皮包裹住潮到风骚嘅新型打卡点,满足你唔同情绪想逛不同店嘅需求。随便停嘅一面墙前拗个造型,时尚大片即刻有,配埋ins风文案,绝佳“朋友圈”素材就即刻有。不过要提醒一下大家,东山口内马路日常都人多车多,影相打卡嘅时候一定要小心安全。



## 可乐生活19th 转圈圈



### 寂爆限定

东山口嘅好多café都同潮店结合,大家饮嘅时候仲可以有其他消遣。Soak係一间兼具潮流展览、演出与休闲打卡嘅咖啡店,东山口片区有两间分店各有特色。除咗定期更新嘅潮流展出之外,仲时不时会有明星做快闪。上次朱主爱就化身甜笑咖啡妹为粉丝送福利,今期糖妹都体验咗一把拉花,踩到爆嘅糖妹限定特饮,大家係米都好想试下咧。呐,Color静静话俾大家知啦,靓靚女明星快闪冲咖啡就係日日有嘅,但如果你得闲就嚟咖啡打卡,话唔定下次偶遇到大明星嘅幸运fans就係你啦!

## 天河 打卡地新星



### Super star背书

要睇天河hea时间,真係可以首选羊城创意产业园。呢度有园林式办公环境;呢度有赛博朋克咁激进,但小石山伴流水,有猫仲有鱼,岁月静好中会遇到唔少得意嘢。唔知度,你可以闲逛、饮嘢、撩小动物、影相,偶尔会有大明星出没,只要你运气够,蹭个合照都係常有之事。林晓峰、李思捷、关心妍、胡鸿钧等等,忙里偷闲都会过来打个卡!



### 未来可期心嘟嘟

除咗玩成嘅打卡景观之外,即将要睇嘅大project都好吸引!一座巍峨嘅玉宇琼楼即将在创意产业园凌空而起,佢嘅大名叫做岭南数字创意中心,呢称为“小羊楼”,但将会以靓丽姿态向大众展示羊城晚城地域特色、时代特色与文化特色。可乐生活正在打造融媒体直播间,也即将和大家见面啦!呢度除咗有明星直播外,仲有潮玩展览、跨界快闪等。糖妹听到都觉得好心动,仲话等佢俩建成后一定要再嚟打卡。